

**Inatsisartut Suleriaasiata allangortinneqarnissaanik siunnersuut**  
*Inatsisartut Siulittaasoqarfiannit saqqummiunneqartoq*

**pillugu**

**Suleriaatsimut Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Ataatsimiititaliap suliarinninnerani ilaasortaapput:

Inatsisartut Siulittaasuat Josef Motzfeldt IA, siulittaasoq  
Inatsisartunut ilaasortaqaq Per Berthelsen, Siumut  
Inatsisartunut ilaasortaqaq Olga P. Berthelsen, IA  
Inatsisartunut ilaasortaqaq Finn Karlsen, Siumut  
Inatsisartunut ilaasortaqaq Justus Hansen, Demokraatit  
Inatsisartunut ilaasortaqaq Siverth K. Heilmann, Atassut  
Inatsisartunut ilaasortaqaq Knud Fleischer, Kattusseqatigiit Partiaat

Siunnersuut ulloq 21. september 2011 siullermeerneqareermat ataatsimiititaliap siunnersuut misissuataarpaa.

**Siunnersuutip imarisaa siunertaalu**

Suleriaatsimut allanguutissatut siunnersuut manna siorna suleriaatsimik nutaamik Inatsisartut Siulittaasoqarfiata sukumiisumik suliaqarnerata nanginneraa.

Siulittaasoqarfiup tamatumunnga atatillugu siunniuppaa Inatsisartuni ataatsimiititaliaqarnikut aaqquissuussaanermi allangortitsinerit ilaatigut pisinnaasut ataatsimiititaliat pioreersut ilaasa kattunneqarnerisigut. Taamaalilluni tamanna pillugu Siulittaasoqarfimmi oqallinnerit inerneraat ataatsimiititaliat arlallit kattunneqarnissaasa siunnersuutigineqarnerat, ataatsimiititaliat amerlassusiisa malunnartumik ikilisinneqarnerannik malitseqartussamik.

Taamaaliornikkut siunertarineqarpoq ataatsimiititaliat ataatsimiinnerisa angalanerisalu pitsaannerusumik eqaannerusumillu ingerlanneqartartalernissaat, ataatsimiititaliat ataasiakkaat ullumikkut ataatsimiititaliat arlallit suliaasaqarfiinik tigusinermikkut ataatsimut isigalugu ilisimasaaqarfiunerulernissaat, taamatullu aamma Inatsisartuni naalakkersuinikkut suliaqarnerup nukittorsarneqarnissaa.

Maannamutut ataatsimiititaliat tallimanik ilaasortaqaqarnissaat aallaaviuvoq.

Taamaattorli ataatsimiititaliangortussap annertuunik suliassa qarfiulersussap tallimaannarnik ilaasortaataqartinnissaata sanngiiffeqarnissaa naatsorsuutigineqarsinnaavoq. Taamaattumik siunnersuutikkut matumuuna siunertaavoq siunertat siuliani taaneqartut ilaatigut anguniarneqassasut immikkut pissutissaqartillugu Siulittaasoqarfullu inassuteqareerneratigut ataatsimiititaliat ilaannut ilaasortanik arfineq-marlunnik Inatsisartut toqqaasinnaatitaalernerisigut.

2010-mi suleriaatsikkut nutaakkut, ukiakkut ataatsimiinnginnermi ataatsimiititaliamut ilaasortangortut nutaat misilittagalernissaat suleriaatsinillu ilikkarluarnissaat qularnaarniarlugu, upernaakkut ataatsimiinnermi aningaasaqarnermut aamma kukkunerisuinermut ataatsimiititalianut ilaasortanik qinersisarnissaq tunngavissinneqarpoq.

Ataatsimiititaliani ilaasortat amerlassusigisinnaasaasa allanngortinneqarnissaannik siunnersuut pissutissaqalersitsisinnaavoq partiini ataasiakkaani ataatsimiititaliani ilaasortaataqarnerup nalilersoqqinneqarnissaannut, taamaattumillu Inatsisartuni ataatsimiititaliat tamarmik nutaamik inuttalernerneqarnissaat siunnersuutigineqarluni.

### **Inatsisartut siunnersuummik siullermeerinninnerat**

Ataatsimiititaliamut ilaasortat iluarisimaarlugu maluniarpaat siunnersuutip siullermeerneqarnerani partiit tamarmik siunnersuut taamatut isikkoqartillugu immikkut oqaaseqarfiginagu tapersormassuk.

### **Tusarniaanermi akissutit**

Ataatsimiititaliat amerlassusiisa ataatsimiititaliallu qassinik ilaasortaqaarsinnaanerisa allanngortinneqarnissaannik siunnersuutit suliaarisissap nutaap 2010-mi akuersissutigineqarnissa sioqqullugu ataatsimiititaliaqarnikkut aaqqissuussaaneq pillugu oqallinnermut ilaasimapput, tassungalugu ilaallutik partiinut marloriarlutik tusarniaatigineqarsimallutik, soorlu aamma Naalakkersuisut tusarniarneqarsimasut.

### **Siunnersuutip aningaasatigut allaffissornikkullu kingunerisassai**

Siunnersuummut nalinginnaasumik nassuiaatini oqaatigineqarpoq, siunnersuutip akuerineqarnerata Nunatta Karsiata aningaasartuutigisartagaasa annikillisinniarneqarnerannut ajunngitsumik sunniuteqarnissaa naatsorsuutigineqartoq. Saqqummiunneqartut tunngavigalugit allatut naliliinissamut ataatsimiititaliap tunngavissaqarsorinngilaa.

Ataatsimiititaliap pissutissaqartippaa uparuassallugu ataatsimiititaliaqarnikkut aaqqissuussaanermi allannguutit ukiumi aningaasanut inatsiseqarfiusumi ingerlasumi ataatsimiititaliat angalaneranut missingersuutit tamarmiusut sipporneqarnissaat pinngitsoortinniarneqartariaqarmat. Ataatsimiititaliat atuuttut ataasiakkaat eqqarsaatigalugit 2011-mi ataatsimiititaliat angalaneranut 300.000 aamma 700.000 kr.-it akornanni immikkoortitsisoqarsimavoq. Ataatsimiititaliat atuuttut ataasiakkaat eqqarsaatigalugit missingersuutini ataatsimut sinneruttut 2011-ip sinneranut ataatsimiititalianut kattutanut nutaanut angalanissanut missingersuutaassapput.

2001-imut ataatsimiititaliat angalanissaannut aningaasanik qinnuteqaatit maannamutut siulittaasoqarfimmit akuereqqaarneqartassapput.

### **Ataatsimiititaliap siunnersuummik suliarinninnera**

Ataatsimiititaliap paasivaa suleriaasissaq atuuttoq malillugu Inatsisartut Inatsisartut ataatsimiititaliaannik pilersitsinissamut atorunnaarsitsinissaminnullu periarfissaqaereersut.

Suleriaatsimut allannguutissatut siunnersuutikkut saqqummiunneqartukkut taamatuttaaq ataatsimiititaliani ataasiakkaani sulineq naapertuunnerusumik siunissami ingerlanneqalersinnaasaaq ataatsimiititaliat ataatsiakkaat pisariaqartitaat naapertorlugit ilaasortaata amerlineqarlutiluunniit ikilisinneqarsinnaalissammata.

Siullermeerinninenrmi isummat Inatsisartunit saqqummiunneqartut tunngavigalugit taamaaliluni ataatsimiititaliap tamarmiusup siunnersuutip akuersissutigineqarnissaa inassutigisinnavaa.

### **Suleriaatsimut Ataatsimiititaliap inassutigaa**

Ataatsimiititaliap isumaqatigiissup suleriaatsimut siunnersuutip akuerineqarnissaa **inassutigaa**.

Ataatsimiititaliap taamatut oqaaseqarluni siunnersuut aappassaaniigassanngortippaa.

Josef Motzfeldt, Siulittaasoq

Per Berthelsen

Olga P. Berthelsen

Finn Karlsen

Justus Hansen

---

Siverth K. Heilmann

---

Knud Fleischer